



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11/34-22407/21
Sarajevo, 25.05.2021. godine

Na osnovu člana 7., 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 23/03, 34/03 i 65/13), člana 36. Okvirnog zakona o predškolskom odgoju i obrazovanju u Bosni i Hercegovini („Službeni glasnik BiH“, broj: 88/07), čl. 46. i 50. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08 i 21/09), člana 7. Pravilnika o izboru i imenovanju upravnih i nadzornih odbora predškolskih ustanova Kantona Sarajevo („Službene novine Kantona Sarajevo“, broj: 3/11) i tačke V Odluke o standardima i kriterijima za nominovanje/imenovanje na poziciju predsjednika i članova Upravnog i Nadzornog odbora Javne ustanove „Djeca Sarajeva“ Sarajevo, čija konačna imenovanja vrši Vlada Kantona Sarajevo („Službene novine Kantona Sarajevo“, broj: 3/11), Komisija za izbor i imenovanje predsjednika i članova Upravnog i Nadzornog odbora Javne ustanove „Djeca Sarajeva“ Sarajevo (u daljem tekstu: Komisija), raspisuje

JAVNI POZIV
za izbor i imenovanje predsjednika i članova Upravnog i Nadzornog odbora
Javne ustanove „Djeca Sarajeva“ Sarajevo

I

U Upravni odbor Javne ustanove „Djeca Sarajeva“ Sarajevo (u daljem tekstu: Ustanova), biraju se:

1. Predstavnik Ministarstva za odgoj i obrazovanje
Kantona Sarajevo (u daljem tekstu: Ministarstvo)..... 1 član – predsjednik
2. Predstavnik roditelja/ staratelja..... 2 člana
3. Predstavnik radnika Ustanove..... 2 člana

U Nadzorni odbor Ustanove, biraju se:

1. Predstavnik Ministarstva..... 1 član - predsjednik
2. Predstavnik općine u kojoj je sjedište Ustanove..... 1 član
3. Predstavnik stručnih radnika..... 1 član



II

Upravni odbor Ustanove, pored poslova utvrđenih zakonom, obavlja i slijedeće poslove:

donosi pravila ustanove, imenuje i razrješava direktora, donosi planove rada i razvoja, donosi godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima ustanove, odlučuje o svim pitanjima obavljanja djelatnosti radi kojih je ustanova osnovana, usmjerava, kontrolira i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima ustanove, odgovara osnivaču za rezultate rada ustanove, donosi odluku o raspisivanju konkursa za izbor zaposlenika, odlučuje o žalbama po konkursu, odlučuje o prigovoru zaposlenika na rješenje o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju ustanove, razmatra plan upisa djece, razmatra rezultate predškolskog odgoja i obrazovanja, odlučuje o prigovoru roditelja na rad i odnos zaposlenika prema djeci, obavlja druge poslove u skladu sa zakonom i pravilima predškolske ustanove.

Nadzorni odbor Ustanove, pored poslova utvrđenih zakonom, obavlja i slijedeće poslove: vrši kontrolu finansijsko - materijalnog poslovanja ustanove, analizira izvještaje o poslovanju ustanove, obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača/Ministarstvo za odgoj i obrazovanje Kantona Sarajevo, upravni odbor i direktora o rezultatima nadzora.

III

Za predsjednika i člana Upravnog odbora/Nadzornog odbora u Ustanovi može biti nominovan/imenovan kandidat koji ispunjava slijedeće opće uvjete:

- a) da je stariji od 18 godina;
- b) da je državljanin Bosne i Hercegovine;
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije, da se na tog kandidata ne odnosi član IX 1. Ustava Bosne i Hercegovine,
- d) da nije osuđivan za krivično djelo i za privredni prestup nespojiv sa dužnošću u Upravnom odboru i Nadzornom odboru Ustanove i da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine „Službeni glasnik BiH“, br. 16/02, 14/03, 12/04, 63/08 i 18/12).

Pored navedenih općih uvjeta, kandidat koji se nominuje/imenuje za poziciju predsjednika i člana Upravnog odbora/Nadzornog odbora Ustanove treba da ispunjava i slijedeće posebne uslove:

- a) da posjeduje univerzitetsku diplomu i najmanje 5 (pet) godina radnog staža u struci,
- b) da nema privatni finansijski interes u Ustanovi u čiji se Upravni ili Nadzorni odbor imenuje,
- c) da nije direktor odnosno pomoćnik direktora predškolske ustanove,
- d) da ima status radnika/stručnog radnika u Ustanovi odnosno status roditelja/staratelja djece korisnika usluga Ustanove (za članove - predstavnike tih struktura) osim člana Upravnog i Nadzornog odbora Ustanove koji je predložen od strane resornog ministarstva,
- e) da nije član više od jednog upravnog ili nadzornog odbora.

IV



web: <http://mo.ks.gov.ba>
e-mail: mo@mo.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Predsjednika i članove Upravnog i Nadzornog odbora Ustanove imenuje Vlada Kantona Sarajevo i to na način, tako što će se primijeniti kriteriji i na način da se od kandidata koji su se prijavili na Javni poziv:

- prijave kandidata za predstavnika roditelja/staratelja prosljeđuju se Vijeću roditelja Ustanove, a prijave kandidata za predstavnika stručnih radnika/radnika Ustanove prosljeđuju Stručnom vijeću odgajatelja,
- prijave kandidata za predsjednika upravnog/nadzornog odbora predškolske ustanove kao javne ustanove prosljeđuju Ministarstvu,
- prijave kandidata za predstavnika lokalne zajednice prosljeđuju načelniku općine na čijem području je sjedište Ustanove (Općina Centar Sarajevo).

Sve informacije o toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

U postupku izbora, navedene strukture su obavezne primjenjivati kriterije koje je utvrdila Komisija. Navedene strukture obavljaju intervju sa svim kandidatima koji ispunjavaju uslove iz Javnog poziva. Komisija prije dostavljanja prijave kandidata za predsjednika upravnog/nadzornog odbora Ministarstvu, obavezna je obaviti intervju sa navedenim kandidatima i ministrici dostaviti izvještaj sa intervju sa rang-listom kandidata.

Kandidati koje nakon intervju predlože strukture, koji kandiduju članove Upravnog i Nadzornog odbora, smatrat će se da su najuspješnije prošli otvorenu konkurenciju, a Vlada Kantona Sarajevo osigurat će da se izvrše i javno objave konačna imenovanja na pozicije u Upravnom i Nadzornom odboru.

Bilo koji kandidat ili bilo koja druga osoba, može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi istovremeno Vladi Kantona Sarajevo i Ombudsmenu Bosne i Hercegovine.

V

Prijavljivanje se vrši putem prijavnog obrasca koji se može preuzeti u šalter-sali Kantona Sarajevo (ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo <http://www.mo.ks.gov.ba>.

Na istim mjestima se mogu preuzeti obrazac Izjave o ispunjavanju uvjeta (dokaz tačke III) i Obrazac za pitanja o eventualnom postojanju sukoba interesa.

Prijavu sa cjelokupnom traženom dokumentacijom kandidat treba dostaviti lično ili poštom preporučeno, na slijedeću adresu: Ministarstvo za odgoj i obrazovanje Kantona Sarajevo, ul. Reisa Džemaludina Čauševića br. 1 sa naznakom:

„Prijava na Javni poziv za izbor i imenovanje predsjednika i članova Upravnog i Nadzornog odbora Javne ustanove „Djeca Sarajeva“ Sarajevo, čija konačna imenovanja vrši Vlada Kantona Sarajevo - ne otvarati, otvara Komisija“

Uz **prijavni obrazac**, kandidat treba priložiti:

1. biografiju,
2. univerzitetsku diplomu (nostrifikovanu/priznatu diplomu, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine);_
3. uvjerenje o državljanstvu (**ne starije od 6 mjeseci**);
4. potvrdu/uvjerenje o radnom stažu u struci (potpisanu i ovjerenu od strane poslodavca);



web: <http://mo.ks.gov.ba>
e-mail: mo@mo.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



5. potpisanu Izjavu o ispunjavanju uvjeta (dokaz tačke III), ovjerenu od strane nadležne općinske službe;
6. Obrazac za pitanja o eventualnom postojanju sukoba interesa;
7. Kandidat za predstavnika radnika/stručnog radnika dužan je dostaviti potvrdu ili uvjerenje kojom dokazuje da ima status radnika/stručnog radnika u Javnoj ustanovi „Djeca Sarajeva“ u čiji se upravni/nadzorni odbor kandidira;
8. Kandidat za predstavnika roditelja/staratelja dužan je dostaviti potvrdu ili uvjerenje kojom dokazuje status roditelja/staratelja djece korisnika usluga Javne ustanove „Djeca Sarajeva“, u čiji se upravni odbor kandidira;
9. Kandidat za predstavnika Ministarstva dužan je dostaviti potpisanu izjavu ovjerenu od strane nadležne općinske službe kojom dokazuje da nema status radnika/stručnog radnika Javne ustanove „Djeca Sarajeva“, niti roditelja/staratelja djece korisnika usluga Javne ustanove „Djeca Sarajeva“, u čiji se upravni/nadzorni odbor kandidira.

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Dokumentacija dostavljena na Javni poziv se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi, smatrat će se da nije dostavio potpunu dokumentaciju.

Predsjednik i članovi Upravnog i Nadzornog odbora imenuju se na period od 4 godine sa mogućnošću jednog reizbora.

Članovi Upravnog/Nadzornog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Javni poziv će biti objavljen u dnevnom listu „Oslobođenje“ i „Službenim novinama Federacije Bosne i Hercegovine“. Javni poziv ostaje otvoren petnaest (15) dana od dana posljednjeg javnog objavljivanja.

Nepotpune i neblagovremene prijave neće biti razmatrane.

Napomena: Tekst Javnog poziva je dostupan i na web stranici: www.mo.ks.gov.ba

Procedura obrade aplikacija i objedinjavanja prijedloga provest će se u skladu sa članom 7. Pravilnika o izboru i imenovanju upravnih i nadzornih odbora predškolskih ustanova Kantona Sarajevo. Svi kandidati koji ispunjavaju uvjete Javnog poziva bit će pozvani na intervju u skladu sa propisanim procedurama. Konačno imenovanje upravnog i nadzornog odbora vrši Vlada Kantona Sarajevo, za koju su obavezujući prijedlozi kandidata iz relevantnih struktura.

**Komisija za izbor i imenovanje predsjednika i članova
Upravnog i Nadzornog odbora Javne ustanove „Djeca Sarajeva“ Sarajevo**



web: <http://mo.ks.gov.ba>
e-mail: mo@mo.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

